



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

12. Ex veteri, & nouo testamento exempla feminarum, Eliséum, Christum,
& Apostolos curantium.

urn:nbn:de:hbz:466:1-45699

care, quàm, post mortem, incertæ aliorum fidei committere dis-
 pertienda. Constantius presbyter refert de S. Germano Episcopo
 Antifiodorensi, eum obuijs mendicantibus, ex diacono suo inter-
 rogasse, quantum secum nummorum haberet? cumque intelle-
 xisset, tantum tres aureos præsto esse; omnes iussisse in pauperes
 liberali sparsione effundi. Ibi diaconus futuri prouidus, unde ergo,
 inquebat, nos hodie victuri sumus? cui Germanus respondit: *Pa-
 scet Deus pauperes suos, tu, quod habes, præsta pauperibus.* Diaconus
 malè sollicitus, nec bene obediens, duos erogat, vnum reseruat.
 In itinere à Leporio prædiuite domino vehementer ægroto, per-
 cursorum inuitatur, missio ducentorum solidorum munere. Quo
 oblato, ad diaconum conuersus Episcopus: *Accipe, ait, que tra-
 duntur, & intellige te fraudem fecisse pauperibus. Nam si totum, quod
 dedi, indigentibus contulisses, remunerator noster trecentos hodie reddi-
 disse.* Contremuit diaconus, secretum reatus sui innotuisse pontifici. In
 qua historia apparet, quantam Deus habeat curam eorum, qui
 pauperum curam gerunt; quibus & promissum centuplum reddit.

Constant.
 lib. 2. de vit.
 S. Germani.
 c. 11. Sur. 31.
 Iulij.

Matth. 19. 29.

Non solum igitur in pauperes iniurijs sunt, qui iustas eleemosynas
 vel interuertunt, vel diminuunt; sed etiam in proprios dominos
 noxij. Nam pauperibus simplum, domino centuplum subdu-
 cunt. O cæca parcitas, quæ nescis seruare pecunias, nisi in pro-
 prium damnum!

Mulierum quoque eximia hic laus est; nam per illas miseri-
 cors Dominus sæpe egenis præsentem manu adfuit, docuitque diui-
 tias ab illis, non in ornatum capitis, non in armillas & torques,
 non vestes exoticas, & Phrygiâ acu elaboratas, sed in egentes at-
 que misericordiæ opera impendendas. Talis erat illa, de qua
 scriptura ita loquitur: *Transibat Eliseus per Sunam: erat autem ibi
 mulier magna, que tenuit eum, ut comederet panem: cumque frequen-
 ter inde transiret, diuertebat ad eam, ut comederet panem. Qua dixit
 ad virum suum: Animaduerto, quod vir Dei sanctus est iste, qui transie
 per nos frequenter. Faciamus ergo ei cœnaculum paruum, & ponamus
 ei in eo lectulum, & mensam, & sellam, & candelabrum, ut cum vene-
 rit ad nos, maneat ibi.* Neque gratis id fecit, pro gratia, gratiam
 sensit, & quæ sterilis erat, filium acquisiuit. Quàm multæ eiusce-
 modi opulentæ Iunones prolem optarent, sed pauperes non cu-
 rant;

XII.

4. Reg. 4. 8.

XIX

X

rant;

rant; Eliseos, Prophetas, Religiosos in domum non admittunt. Quare una cum illis diuinam excludunt benedictionem. Alia femina etiam foras eunt, ut pauperibus seruiant. Quales fuerunt illae, de quibus Lucas haec memorat: *Et factum est deinceps, & ipse iter faciebat per civitates, & castella, predicans, & euangelizans regnum Dei: & duodecim cum illo; & mulieres aliqua, quae erant curatae a spiritibus malignis, & infirmitatibus: Maria, quae vocatur Magdalene, de qua septem demonia exierant, & Ioanna uxor Chusa procuratoris Herodis, & Susanna, & alia multa, quae ministrabant ei de facultatibus suis. Consuetudinis Iudaeicae fuit, ait S. Hieronymus, nec ducebatur in culpam, more gentis antiquo, ut mulieres de substantia sua victum atque vestitum praecipitoribus darent. Sed hoc quia scandalum facere poterat in nationibus, Paulus se abiicisse commemorat. Ministrabant autem haec mulieres Domino de substantia sua, non quod indigeret cibis Dominus creaturarum, sed ut typum ostenderet magistrorum, quod victum atque vestitum de discipulis debeant esse contenti. Haec D. Hieronymus. Eandem causam indicat Theophylactus his verbis: *Diuites feminae comitabantur Apostolos, ut suppeditarent eis necessaria, omnem illis securitatem horum causa parantes, ut soli Euangelij praedicationi ipsi vacarent.* D. Ambrosius autem etiam aliam causam adducens ait: *Scilicet mulieres opulenta desiderio doctrinae Dominicae, & virtutum, sequebantur Apostolos, & ministrabant eis & sumtus, & seruitia, sicut & Saluatorem sunt secuta.* Quid multis opus? Ipse Apostolus ait: *Numquid non habemus potestatem mulierem sororem circumducendi, sicut & ceteri Apostoli, & fratres Domini, & Cephas? Aut ego solus, & Barnabas, non habemus potestatem hoc operandi?* Habuit sane Paulus potestatem, sed noluit ea uti, ne Gentiles offenderet. Ceterum plane non exiguum opus erat harum matronarum, quae diuinae sapientiae audiendae, & pauperes Apostolos pascendi causa tanta itinera, & tot incommoda susceperunt. Nunc multae, ne dignantur ad planteas usque descendere, ut Christum in pauperibus suis pascant.*

XIII.

Surius 23.
gulij.

Quamquam sane multae fuerunt praeclarae, quae id fecerunt. Quis regiam illam mentem Elisabethae nescit, quanta fuerit amatrix & nutrix egenorum? quis Radigundas non nouit miraculis, ob pauperes adiutos, illustratas? S. Birgitta vidua multis reuela-